

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANSIJA
SARAJEVO

Broj: 05-15-6500/11
Sarajevo, 30.09.2011.godine

Parlamentarna skupština BiH
Zastupnički dom/Predstavnički dom

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF FINANCE
SARAJEVO

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-10-2011			
Organizaciona jedinica	Klasifikaciona oznaka	Redni broj	Broj priloga
01-50-1-15-8/11			

PREDMET: Odgovor na poslanička pitanja

Veza: Vaš akt broj: 01/a-50-1-15-8/11 od 29.08.2011.godine

Poštovani,

U vezi Vašeg akta, koji se odnosi na dostavu odgovora na poslaničko pitanje poslanika Mirsada Đuguma, obavještavamo Vas da smo isti uputili aktom broj: 05-15-6601/11 od 29.09.2011.godine, koji Vam u prilogu dostavljamo.

S poštovanjem,

Prilog: naveden

MINISTAR
Ante Krajina



Broj: 05-15-6601/11
Sarajevo, 29.09.2011.godine

g-din Mirsad Đugum
zastupnik Zastupničkog doma
Parlamentarne skupštine BiH
S A R A J E V O

PREDMET: Odgovor na zastupničko pitanje

Poštovani,

Na 8. sjednici Zastupničkog doma Parlamentarne skupštine Bosne i Hercegovine održanoj 25.08.2011. godine, postavili ste zastupnička pitanja koja glase:

- „1. Koliko ima zdravstveno neosiguranih osoba u Federaciji BiH?
2. Koliko osoba nema zdravstveno osiguranje, a koje su u radnom odnosu, a nalaze se na čekanju?
3. Koliko ima zaposlenih osoba, ali im se ne uplaćuje zdravstveno osiguranje?
4. Na osnovu čega je donešena odluka da se izuzme javni sektor zdravstva iz fiskalizacije, iako je zakonom iz ,97.godine jasno da je privatni i javni sektor u istoj ravni?“
5. Zašto se ne poštuje Zakon iz 1997.godine, a kojim su izjednačene javne zdravstvene ustanove i privatne zdravstvene ustanove, čime je ugrožen privatni sektor i bolji razvoj zdravstva, a onemogućeno osiguranicima da imaju pravo na izbor ljekara?“

Na postavljena pitanja dajemo slijedeći:

ODGOVOR

Prema članu 4. Zakona o fiskalnim sistemima („Službene novine Federacije BiH“, broj: 81/09) obavezu evidentiranja svakog pojedinačno ostvarenog prometa preko fiskalnih uređaja ima svako lice koje je upisano u odgovarajući registar za promet dobara, odnosno za pružanje usluga klijentima, osim izuzetih djelatnosti propisanih članom 5. Zakona o fiskalnim sistemima.

U skladu sa članom 5. stav 3. Zakona o fiskalnim sistemima Vlada Federacije Bosne i Hercegovine polazeći od specifičnosti određene djelatnosti, odredila je i druge djelatnosti koje ne podliježu obavezi evidentiranja prometa putem fiskalnih sistema.

S tim u vezi, u skladu sa tačkom II. podtačka a) Odluke o određivanju drugih djelatnosti koje ne podliježu obavezi evidentiranja prometa putem fiskalnih uređaja („Službene novine Federacije Bosne i Hercegovine“ broj 41/11), samo za djelatnost javnih zdravstvenih ustanova ne postoji obaveza evidentiranja prometa putem fiskalnih uređaja jer za osigurana lica nisu utvrđene cijene zdravstvenih usluga pa se tako i finansiranje zdravstvenih usluga ne vrši po osnovu cjenovnika već paušalno. Naime, izuzeće javnih zdravstvenih ustanova se odnosi na djelatnost bolnica i domova zdravlja, kao i drugih javnih zdravstvenih ustanova čiji osnivači su Federacija BiH, kantoni i općine, te djelatnost Federalnih i kantonalnih zavoda. Također, u skladu sa Zakonom o zdravstvenoj zaštiti („Službene novine Federacije Bosne i Hercegovine“ broj 46/10), zdravstveni radnici koji obavljaju privatnu praksu ne ostvaruju prihode na način jednak ostvarivanju sredstava za rad javnih zdravstvenih ustanova, koje se prvenstveno i najvećim dijelom finansiraju iz sredstava budžeta Federacije, kantona i općina, kao i donacija i pomoći.

Imajući u vidu da su ostala pitanja po svom sadržaju i tematici u nadležnosti Federalnog ministarstva zdravstva, u prilogu Vam dostavljamo odgovor nadležnog ministarstva na ista.

S poštovanjem,

MINISTAR


Ante Krajina

Prilog: Akt broj: 07-37-5691/11 od 22.09.2011.godine Federalnog ministarstva zdravstva

- Co: 1. Tajniku Zastupničkog doma
Parlamentarne skupštine BiH
- 2. Tajniku Vlade Federacije BiH

Broj: 07-37-5691/11
Sarajevo, 22.09.2011. godine

Bosna i Hercegovina
Federacije Bosne i Hercegovine
Federalno ministarstvo finansija
Ul. Mehmeda Spahe broj 5
71000 SARAJEVO



PREDMET: Zastupničko pitanje, predmet, - dostavljamo-

Poštovani,

Federalno ministarstvo zdravstva zaprimilo je dana 07.09.2011. godine predmet od Sekretara Vlade Federacije Bosne i Hercegovine, koji se odnosi na zastupničko pitanje postavljeno na 8. sjednici Zastupničkog doma Parlamentarne skupštine Bosne i Hercegovine od strane zastupnika Đugum Mirsada.

Obzirom da je navedeni predmet naslovljen i na Vaše Ministarstvo, u kojem se traži dopuna predhodnog odgovora kojeg ste istom zastupniku dostavili 28.07.2011. godine, za kompletiranje predmeta dostavljamo Vam odgovore i mišljenja na postavljena pitanja koja su u nadležnosti ovog Ministarstva:

1. Pitanje: Koliko ima zdravstveno neosiguranih osoba u Federaciji BiH?

Odgovor: Prema Obračunu sredstava u zdravstvu za 2010. godinu, kojeg je sačinio Zavod zdravstvenog osiguranja i reosiguranja Federacije BiH, neosiguranih osoba u Federaciji BiH ima 361.239, odnosno 15,45% u odnosu na procjenu ukupnog broja stanovnika.

2. Pitanje: Koliko osoba nema zdravstveno osiguranje, a koje su u radnom odnosu, a nalaze se na čekanju?

Odgovor: Odgovor na ovo pitanje nije u nadležnosti ovog Ministarstva, odnosno teško da bilo koja institucija na nivou Federacije BiH ima sveobuhvatne podatke po ovom pitanju.

3. Pitanje: Koliko ima zaposlenih osoba, ali im se ne uplaćuje zdravstveno osiguranje?

Odgovor: Do 01.01.2011. godine kantonalni zavodi zdravstvenog osiguranja vodili su evidenciju o prijavama i odjavama osiguranih lica na zdravstveno osiguranje, vršili kontrolu uplata doprinosa i vodili evidenciju o neuplaćenim doprinosima za zdravstveno osiguranje.

Od 01.01.2011. godine Poreska uprava Federacije BiH preuzela je sve poslove vezane za prijavu i odjavu na zdravstveno osiguranje i evidenciju o uplatama doprinosa.

4. Pitanje: Na osnovu čega je donešena odluka da javne ustanove nemaju obaveze evidentiranja prometa putem fiskalnih uređaja?

Odgovor: Vaše Ministarstvo ranije je odgovorilo na postavljeno pitanje.

5. Pitanje: Zašto se ne poštuje Zakon iz 1997. godine, a kojim su izjednačene javne zdravstvene ustanove i privatne zdravstvene ustanove, čime je ugrožen privatni sektor i bolji razvoj zdravstva, a onemogućeno osiguranicima da imaju pravo na izbor ljekara?

Odgovor: U članu 37. Zakona o zdravstvenom osiguranju („Službene novine Federacije BiH“, br. 30/97, 7/02 i 70/08) definisano je da „zdravstvena zaštita iz člana 34. ovog Zakona pruža se osiguranim licima u zdravstvenim ustanovama i kod privatnih zdravstvenih radnika s kojima je kantonalni zavod osiguranja zaključio ugovor o pružanju zdravstvene zaštite“.

Članom 64. istog Zakona regulisano je da osigurano lice, pri ostvarivanju prava na zdravstvenu zaštitu iz obaveznog zdravstvenog osiguranja prema odredbama Zakona, ima pravo na slobodan izbor doktora medicine i doktora stomatologije primarne zdravstvene zaštite.

U članu 49. Zakona o zdravstvenoj zaštiti („Službene novine Federacije BiH“, broj 46/10) navedeno je da zdravstvenu djelatnost obavljaju zdravstvene ustanove i privatne prakse pod uvjetima i na način propisan ovim Zakonom, propisima o zdravstvenom osiguranju i propisima o ustanovama.

Članom 52. istog Zakona definisano je da „Zavod zdravstvenog osiguranja Federacije BiH, odnosno kantona provodi postupak dodjele ugovora o pružanju zdravstvenih usluga, odnosno postupak dodjele ugovora za provođenje programa zdravstvene zaštite u skladu sa ovim zakonom,...“.

Shodno predhodnom, a vezano za stav 2. istog člana Zakona, Federalni ministar zdravstva je dana 24.08.2011. godine potpisao saglasnost na dokument Jedinственe metodologije kojom se bliže utvrđuju kriteriji i mjerila za zaključivanje ugovora između nadležnog zavoda zdravstvenog osiguranja i zdravstvene ustanove odnosno privatnog zdravstvenog radnika.

S poštovanjem,

MINISTAR

Prof dr Rusmir Mesihović

Dostavljeno:

- naslovu
- a/a